

BAB II

PROFIL MAHKAMAH SYARIAH SHAH ALAM SELANGOR

A. Sejarah Singkat Mahkamah Syariah Shah Alam Selangor

Agama Islam di Negeri Selangor telah wujud seawal kurun 15 yang telah datang melalui Melaka. Ini kerana pada waktu itu Selangor berada di bawah takluk jajahan Melaka. Pada zaman pemerintahan Melaka, telah wujud jawatan kadi. Sejarah wujudnya mahkamah syariah di negeri Selangor pula telah muncul pada kurun ke - 17.¹

Pada tahun 1884, Majlis Mesyuarat Negeri Selangor telah mengiktiraf jawatan kadi dan imam, seterusnya mengambil keputusan untuk melantik seorang kadi untuk menyelesaikan segala masalah hukum-hukum agama Islam dan juga adat istiadat Melayu. Pada waktu itu juga DYMM Sultan Selangor telah melantik seorang kadi disebut sebagai “Kadi Selangor” dengan memberi gaji sebanyak RM 900.00 per tahun dan period ini hanya berlaku sehingga tahun 1892 dan kemudiannya jawatan tersebut diganti namanya kepada “Chief Kadi”.²

Undang-undang Mencegah Berzina Tahun 1894 (Prevention of Adultery Regulation 1894) adalah undang-undang pertama yang dikanunkan di negeri Selangor. Diluluskan oleh Majlis Mesyuarat Negeri Selangor pada

¹ Abdul Kadir bin Haji Muhammad, *Sejarah Penulisan Undang-Undang Selangor*, (Selangor: Pustaka Ehsan, 2002), h.66.

² *Ibid.*, h.67.

26hb.September, 1894 dan undang-undang ini hanya berkuatkuasa untuk orang Islam sahaja. Menurut undang-undang ini, seorang laki-laki yang melakukan hubungan kelamin dengan seorang perempuan yang telah bersuami adalah bersalah dan boleh dihukum 2 tahun penjara bagi laki-laki dan 1 tahun penjara bagi perempuan dan mungkin kedua-duanya di kenakan denda. Dalam masalah ini mahkamah akan bertindak ke atas laporan yang dibuat oleh suami perempuan itu atau orang lain yang bertanggungjawab atas perempuan itu di mana sekiranya suaminya tiada.³

Pada tahun 1900 pula, Majlis Mesyuarat Negeri telah meluluskan Undang-undang Pendaftaran Nikah Kahwin dan Cerai Orang-Orang Islam 1900 (Muhammadan Marriage and Divorce Registration Enactment 1900) yaitu undang-undang berhubung dengan nikah kawin dan cerai orang-orang Islam di negeri Selangor. Undang- undang ini memperuntukkan suami atau wali hendaklah melaporkan perkawinan kepada kadi atau wakil kadi daerah dalam waktu 7 hari selepas akad nikah dan kadi atau wakilnya hendaklah mendaftarkannya dan mengeluarkan surat perkawinan. Begitu juga dengan perceraian, hendaklah dilaporkan kepada kadi dalam waktu 7 hari sesudah bercerai dan surat cerai akan dikeluarkan kepada mereka yang berkenaan. Sekiranya ini tidak dipatuhi, tindakan boleh diambil dengan dikenakan sanksi tidak melebihi daripada RM 25.00. Dengan adanya undang-undang

³ *Ibid*, h.68.

tersebut dan untuk membicarakan hal nikah kawin dan cerai, maka diadakan mahkamah kadi.⁴

Pada tahun 1900 juga, jawatan kadi mula diperluaskan ke daerah-daerah dalam negeri Selangor dan pada tahun 1922 tiap-tiap daerah ada kadinya masing-masing, yaitu daerah Klang, Kuala Lumpur, Kuala Langat, Ulu Langat, Kuala Selangor, Sabak Bernam, Kuala Kubu dan Rawang.⁵

Pada tahun 1948 Jabatan Agama Islam Selangor (JAIS) telah ditubuhkan, dengan itu usaha menggubal undang-undang telah dilakukan dan menghasilkan Undang-undang Pentadbiran Agama Islam Selangor No. 3 tahun 1952 dengan nama Enakmen Undang-undang Pentadbiran Agama Islam Selangor No. 3 tahun 1952 dan mula dikuatkuasakan pada 5 Desember, 1952. Dengan adanya undang-undang ini maka termansukhlah undang-undang terdahulu daripadanya. Sehingga ke hari ini undang-undang ini telah mengalami pindaan sebanyak 7 kali yaitu pada tahun 1969, 1960, 1961, 1962, 1966, 1972 dan pada 1979. Pindaan ini dibuat berkaitan dengan urusan mengemaskinikan pentadbiran hal ehwal Islam di negeri Selangor.⁶

⁴ *Ibid.*, h.69-71.

⁵ *Ibid.*, h.74.

⁶ *Ibid.*, h.76.

Pada tahun 1984 Undang-undang Keluarga Islam Selangor No. 4 tahun 1984 telah diluluskan dan dikuatkuasakan pada 23 Januari, 1989 di seluruh negeri Selangor. Pelaksanaan Undang-undang ini telah memansuhkan bahagian ke 6, 7seksyen 155, 156,158, 160 dan 178 perenggan (n) Undang-undang Pentadbiran Agama Islam Selangor No. 3 tahun 1952.⁷

Pada tahun 1989 Enakmen Perundangan Islam Selangor No. 2 tahun 1989 telah diluluskan. Berdasarkan enakmen inilah Mahkamah Syariah Selangor ditubuhkan secara rasmi dan berasingan dari Jabatan Agama Islam Selangor (JAIS). Pada tahun 1991, Enakmen Kanun Prosedur Jenayah Syariah Selangor No. 6 tahun 1991 dan Enakmen Kanun Prosedur Mal Syariah Selangor No. 7 tahun 1991 telah diluluskan dan mula dikuatkuasakan pada 1hb.September,1991. Mulai dari tanggal itu, Mahkamah Syariah Selangor telah diasingkan secara rasminya dari JAIS. Pada tahun 2003 nama Mahkamah Syariah Selangor telah ditukar kepada Jabatan Kehakiman Syariah Negeri Selangor selaras dengan perkembangan dan peningkatan kualitas perkhidmatannya kepada pelanggan.⁸

⁷ *Ibid.*, h.77

⁸ *Ibid.*, h.82

B. Visi, Misi Dan Obyektif Jabatan Kehakiman Syariah Selangor

Adapun Misi Jabatan Kehakiman Syariah Negeri Selangor adalah:

“ Melaksanakan pengadilan, pengurusan Mahkamah dan perkhidmatan sokongan secara profesional, berkesan dan sistematik berasaskan peruntukan Undang-Undang Islam yang seragam di Selangor untuk mencapai keredhaan Allah ”.

Visi Jabatan Kehakiman Syariah Selangor adalah:

“ Menjadi Institusi Kehakiman Syariah Yang Berwibawa ”

Adapun Obyektif Jabatan Kehakiman Syariah Selangor adalah:

1. Menerima dan menyelesaikan kes-kes yang dibawa ke Mahkamah Syariah dengan adil dan saksama mengikut peruntukan undang-undang.
2. Menguatkuasa dan melaksanakan sistem kehakiman Islam yang teratur dan berkesan.
3. Mengurus kes-kes rayuan syariah secara teratur dan berkesan.
4. Mengurus permohonan pembahagian harta pusaka.
5. Membangunkan sumber manusia yang terlatih dan mencukupi.
6. Memberi perkhidmatan runding cara, pertemuan dan perdamaian.

C. Tugas Dan Fungsi Mahkamah Syariah, Shah Alam, Selangor

Mahkamah Rayuan Syariah (Mahkamah Agung) menangani kasus-kasus mal dan jinayah (pidana) dari Mahkamah Tinggi Syariah. Mahkamah Tinggi Syariah menangani pembicaraan kasus-kasus jinayah (pidana), mal, faraid pada tingkat banding. Mahkamah Rendah Syariah (Peradilan Agama) menangani kasus pidana dengan hukuman maksimal yang ditentukan oleh undang-undang sebesar RM 5,000.00 atau 3 tahun penjara atau keduanya sekali. Sedangkan untuk perkara yang menyangkut harta benda, sanksinya RM 50,000.00.⁹

Tugas kerja Jabatan Kehakiman Mahkamah Syariah Shah Alam ialah:

1. Menyediakan dan melaksanakan pengadilan terhadap pelanggaran kasus pidana berdasarkan syari'at dan undang-undang
2. Menyediakan pelayanan pengadilan yang berkualitas bagi masyarakat.
3. menguruskan berbagai pelatihan untuk meningkatkan kualitas dan pemberdayaan pada pegawai dan karyawan.
4. menyediakan layanan teknologi komunikasi dan berbagai instruksi yang terkait dengan lembaga.
5. Memberikan kemudahan dan layanan yang kompeten.

⁹ Wawancara, Puan Noor Huda Binti Roslan, (Ketua Pendaftar, Mahkamah Syariah Shah Alam, Selangor), 4 Juni 2013.

Gambaran Organisasi Jabatan Kehakiman Syariah, Shah Alam Selangor


Keterangan :

- | | |
|--|--------------------------------------|
| 1. Hakim 1 | :Dato Haji Mukhyiddin
Bin Ibrahim |
| 2. Hakim 2 | :Tuan Mohammad Adib
Bin Husain |
| 3. Pembantu Hakim | :Puan Rosmahwati Binti
Shamsuri |
| 4. Penolong Pegawai Teknologi Maklumat | :Muhammad Isham Bin
Ismail |
| 5. Ketua Pendaftar | : Puan Norhuda Bt Roslan |
| 6. Pembantu Hakim 2 (s/u) | : Norizan Binti Fahrudin |
| 7. Pembantu Pendaftar | : Siti Noraini Bt Mohd Ali |
| 8. Pembantu Tadbir (1) | : Mohd Razali Bin Hassin |
| 9. Pembantu Tadbir (2) | : Zaipul Bin Zainal |
| 10. Pembantu Tadbir (3) | : Nasha B Tarikat |
| 11. Penghantar Notis | : Shamsuddin Bin Manan |
| 12. Pembantu Am Rendah | : Asnizah Binti Mokti ¹⁰ |

¹⁰ Mahkamah Syariah Shah Alam, Selangor, *Carta Organisasi Tahun 2013*,(Selangor: Percetakan Nasional Berhad, 2013) h.7.

D. Struktur Organisasi Mahkamah Syariah, Shah Alam, Selangor

Untuk lebih memudahkan dalam melakukan aktivitas kerja, maka dibentuklah struktur organisasi di bawah naungan Mahkamah Syariah Shah Alam, Selangor sebagaimana berikut:¹¹



¹¹ *Ibid*, h.8